

**BOSNA I HERCEGOVINA**  
Konkurencijsko vijeće



**БОСНА И ХЕРЦЕГОВИНА**  
Конкуренијски савјет

**R J E Š E N J E**

**po Prijavi namjere koncentracije između privrednih subjekata  
HVB Capital Partners A.G., SR Njemačka i Comtrade Group B.V., Holandija**

**Sarajevo  
Maj, 2008. godine**



**Broj: 01-04-26-002-16-II/08**  
**Sarajevo, 13.05.2008. godine**

Na osnovu člana 25. stav (1) pod e) člana 42. tačka d) u vezi sa čl. 12., 14., 16. i 18., te u skladu sa članom 24. stav (2) Zakona o konkurenciji («Službeni glasnik BiH», br. 48/05 i 76/07), po Prijavi namjere koncentracije između privrednog subjekta HVB Capital Partners A.G., Arbellastrasse 12, D-81925, Minhen, SR Njemačka, zastupanog po advokatskoj kancelariji Karanović & Nikolić, Lepenička 7, 11000 Beograd, Srbija, i privrednog subjekta Comtrade Group B.V., Westblaak 89, Rotterdam, Holandija zaprimljenu pod brojem 01-04-26-002-II/08 dana 16.01.2008.godine, Konkurencijsko vijeće, na 66. (šestdesetšestoj) sjednici održanoj dana 13.05.2008. godine, je donijelo sljedeće

### **R J E Š E N J E**

1. Ocjenjuje se dopuštenom koncentracija koja će nastati na tržištu veloprodaje i maloprodaje računara i računarskih komponenti u Bosni i Hercegovini kupovinom 20% dionica uz sticanje kontrole od strane privrednog subjekta HVB Capital Partners A.G., Arbellastrasse 12, D-81925, Minhen, SR Njemačka nad privrednim subjektom Comtrade Group B.V., Westblaak 89, Rotterdam, Holandija na osnovu većine prava glasa i to u donošenju strateških poslovnih odluka koje se ostvaruju putem zaključenog ugovora.
2. Ovo Rješenje o koncentraciji upisuje se u Registar koncentracija.
3. Ovo Rješenje je konačno i bit će objavljeno u „Službenom glasniku BiH“, službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je, u smislu člana 16. stav (1) Zakona o konkurenciji (u daljem tekstu: Zakon), dana 16.01.2008. godine, zaprimilo Prijavu namjere koncentracije broj 01-04-26-002-II/08 (u daljem tekstu: Prijava) privrednog subjekta HVB Capital Partners A.G., Arbellastrasse 12, D-81925, Minhen, SR Njemačka (u daljem tekstu: HVB Capital Partners ili Podnosilac prijave), zastupan po advokatskoj kancelariji Karanović & Nikolić, Lepenička 7, 11000 Beograd, Srbija, po kojoj HVB Capital Partners namjerava steći 20% dionica i pravo kontrole u donošenju strateških poslovnih odluka privrednog subjekta Comtrade Group B.V., Westblaak 89, Rotterdam, Holandija (u daljem tekstu: Comtrade Group).

Prijava je od strane Podnosioca prijave samoinicijativno dopunjavana dana 04.02.2008. godine dopisom koji je zaveden pod brojem 01-04-26-002-2-II/08, dana 11.02.2008. godine dopisom broj 01-04-26-002-3-II/08 i dana 14.02.2008. godine dopisom broj 01-04-26-002-4-II/08.

Konkurencijsko vijeće je dana 18.03.2008. godine dopisom broj 01-04-26-002-5-II/08 Podnosiocu prijave izdalo Potvrdu o prijemu uredne i kompletne Prijave (u daljem tekstu: Potvrda), u smislu člana 30. stav (3) Zakona.

Nakon izdavanja Potvrde Podnosilac prijave je istu također samoinicijativno dopunio dana 21.03.2008. godine dopisom broj 01-04-26-002-7-II/08. Ovom dopunom Podnosilac prijave je kao pravni osnov koncentracije dostavio Ugovor o kupoprodaji i upisu dionica koji je zaključen dana 13.02.2008. godine. Imajući u vidu činjenicu da je zaključivanje ovog Ugovora nastupilo u 2008.

godini Konkurencijsko vijeće je od Podnosioca prijave zatražilo da, između ostalog, dostavi osnovne godišnje finansijske izvještaje za učesnike koncentracije za 2007. godinu.

Podnosilac prijave je, u skladu sa zahtjevima Konkurencijskog vijeća, dostavio traženu dokumentaciju dana 31.03.2008. godine dopisom broj 01-04-26-002-9-II/08, dana 10.04.2008. godine dopisom broj 01-04-26-002-10-II/08, dana 11.04.2008. godine dopisom broj 01-04-26-002-11-II/08, dana 14.04.2008. godine dopisima broj 01-04-26-002-12-II/08 i broj 01-04-26-002-13-II/08 i dana 15.04.2008. godine dopisom broj 01-04-26-002-14-II/08.

Podnosilac prijave je, u smislu člana 30. stav (2) Zakona, dostavio i rješenja kojima je navedena koncentracija odobrena u Republici Srbiji i Republici Crnoj Gori i istovremeno je naveo da je predmetna koncentracija prijavljena nadležnim tijelima za konkurenciju Republike Makedonije i Bugarske.

Konkurencijsko vijeće u postupku ocjene dopuštenosti predmetne koncentracije je utvrdilo sljedeće činjenice:

Prijava namjere koncentracije je podnesena u Zakonom propisanom roku, u smislu člana 16. stav (1) Zakona.

## **1. Učesnici koncentracije**

### **1.1. Privredni subjekt HVB Capital Partners**

Privredni subjekt HVB Capital Partners je registrovan u Trgovinskom registru B Osnovnog suda u Minhenu, SR Njemačka pod brojem HRB 130379 dana 09.06.1999. godine sa osnivačkim kapitalom od 2.500.000,00 EUR (oko 4.889.575 KM). Registrovane djelatnosti ovog privrednog subjekta su sticanje, držanje, upravljanje i prodaja svim vrstama neposrednih i posrednih učešća u preduzećima. Privredni subjekt HVB Capital Partners predstavlja dio UniCredit Grupe, jedne od najvećih bankarskih grupacija u Evropi. Ova dva privredna subjekta se smatraju jednim učesnikom na tržištu. UniCredit Grupa u velikom broju zemalja zapadne i centralne Evrope obavlja sve vrste bankarskih i povezanih finansijskih usluga.

#### **1.1.1. Supsidijarna društva privrednog subjekta HVB Capital Partners (UniCredit Grupa) u BiH**

U Bosni i Hercegovini UniCredit Grupa djeluje na bankarskom tržištu preko sljedećih privrednih subjekata i to:

- UniCredit Zagrebačke banke a.d. Mostar, Kardinala Stepinca bb, 88000 Mostar, registrovane pod brojem 1-3251 u Općinskom sudu Mostar,
- HVB Central Profit banke d.d. Sarajevo Zelenih Beretki 24, 71000 Sarajevo, registrovane pod brojem 1-1046 kod Općinskog suda u Sarajevu koja je dana 29.02.2008. godine Rješenjem broj Tt-O-104/08 pripojena UniCredit Zagrebačkoj banci d.d.,
- HVB Leasing, Zelenih Beretki 24, 71000 Sarajevo registrovan pod brojem 1-1738/05 kod Općinskog suda u Sarajevu preregistrovan dana 08.01.2008. godine u privredni subjekt UniCredit Leasing d.o.o za Leasing pod registarskim brojem 1-25353 u Kantonalnom sudu u Sarajevu,
- Nova Banjalučka banka a.d. Banja Luka, Marije Bursać 7, 78000 Banja Luka registrovane pod brojem U/I-551/05 kod Osnovnog suda u Banja Luci.

UniCredit Grupa u Bosni i Hercegovini također posjeduje i privredni subjekt ZANE BH d.o.o za poslovanje nekretninama Sarajevo, ul. Branilaca Sarajeva 20, 71000 Sarajevo registrovan pod brojem 1-23290 D kod Općinskog suda u Sarajevu.

### **1.2. Privredni subjekt Comtrade Group**

Privredni subjekt Comtrade Holding N.V. društvo sa ograničenom odgovornošću, registrovan dana 30.12.2005. godine pod registracijskim brojem 98481(0) u Privrednom registru Kurasao, Holandski Antili, je jedini član i osnivač privrednog subjekta Comtrade Group B.V. registrovan u Poslovnom registru Privredne i industrijske komore u Roterdamu pod brojem 24383822 dana 30.09.2005. godine.

Comtrade Holding je pod kontrolom fizičkog lica Veselina Jevrosimović, ul. Nikole Đurkovića 30, 11000 Beograd, Srbija koji posjeduje 100% dionica ove kompanije. Privredni subjekti Comtrade Group i Comtrade Holding se smatraju jednim učesnikom na tržištu.

Comtrade Group je jedan od lidera na polju informacionih i telekomunikacijskih tehnologija u regionu Jugoistočne Evrope. Čine je specijalizovane kompanije koje, između ostalih tržišta, posluju i na teritoriji Bosne i Hercegovine.

### **1.2.1. Supsidijarna društva privrednog subjekta Comtrade Group u BiH**

Privredni subjekt ComTrade Group je u Bosni i Hercegovini prisutan od 1999. godine. Registrovana supsidijarna društva ovog privrednog subjekta su sljedeći privredni subjekti i to:

- NT Computer Hardware Software d.o.o. Sarajevo, Džemala Bijedića bb, 71000 Sarajevo registrovan pod registarskim brojem 1-21573 u Općinskom sudu Sarajevo čija je djelatnost veloprodaja računara i računarskih komponenti (u daljem tekstu: NTCHS),

- CT Retail d.o.o. Sarajevo, registrovan pod registarskim brojem 1-25960 u Općinskom sudu Sarajevo Džemala Bijedića bb, 71000 Sarajevo koji vrši maloprodaju računara i računarskih komponenti (u daljem tekstu: CT Retail) i

- Comtrade Group B.V. Rotterdam, Predstavništvo u Sarajevu, Velikih drveta 1, Sarajevo registrovan na osnovu Rješenja Ministarstva vanjske trgovine i ekonomskih odnosa Bosne i Hercegovine broj 02-1-19-9878/06 od 19.09.2006. godine.

## **2. Pravni okvir ocjene koncentracije**

Konkurencijsko vijeće je u provođenju postupka ocjene dopuštenosti predmetne koncentracije primjenilo odredbe Zakona, Odluke o utvrđivanju relevantnog tržišta («Službeni glasnik BiH», broj 18/06) te Odluke o načinu podnošenja prijave i kriterijima za ocjenu koncentracija privrednih subjekata.

## **3. Pravni osnov i oblik koncentracije**

Pravnim osnovom predmetne koncentracije smatra se Ugovor o kupoprodaji i upisu dionica (u daljem tekstu: Ugovor) u privrednom subjektu Comtrade Group B.V. između privrednog subjekta HVB Capital Partners (u daljem tekstu: Kupac), fizičkog lica Veselina Jevrosimovića, privrednog subjekta Comtrade Holding (u daljem tekstu: Prodavac) i privrednog subjekta Comtrade Group B.V., zaključen dana 13.02.2008. godine.

Prodavac je isključivi vlasnik cjelokupnog emitovanog dioničkog kapitala privrednog subjekta Comtrade Group. Privredni subjekt Comtrade Group je na dan zaključenja Ugovora imao ukupan kapital od (...) \*<sup>1</sup>EUR (oko (...) \*KM) koji se sastoji od (...) \*običnih dionica nominalne vrijednosti od 1EUR (1,955KM) od kojih je (...) \*običnih dionica na ime emitovano i uplaćeno. Po izvršenju Ugovora Prodavac se obavezuje da će promijeniti vlasničku strukturu kompanije tako što će emitovati dodatnih (...) \*običnih dionica i (...) \*preferencijalnih dionica Kupcu što predstavlja 5,26% emitovanog dioničkog kapitala sa pravom glasa privrednog subjekta Comtrade Group B.V.. Također, Kupac namjerava da upiše, a privredni subjekt Comtrade Group B.V. da emituje Kupcu dodatnih (...) \*novo-emitovanih preferencijalnih dionica, što pretpostavlja dodatnih 15,79%.

Poslije izvršenja emisije vlasnička struktura će se sastojati od ukupno (...) \*običnih dionica i (...) \*preferencijalnih dionica emitovanih i u opticaju.

Na osnovu dionica sa pravom stavljanja veta, odluke u vezi sa strateškim pitanjima u poslovanju privrednog subjekta Comtrade Group se moraju donijeti uz saglasnost privrednog subjekta HVB Capital Partners. Odluke koje ne mogu biti donesene bez saglasnosti privrednog subjekta HVB Capital Partners se posebno odnose na usvajanje budžeta, usvajanje poslovnih planova kao što su ulasci u transakcije velikih vrijednosti, postavljanje višeg menadžmenta, osnivanja novih supsidijarnih društava te proširivanja poslovnih aktivnosti na druge teritorije.

(...)\*<sup>1</sup> - podaci predstavljaju poslovnu tajnu

Pravni oblik predmetne koncentracije je sticanje kontrole jednog privrednog subjekta nad drugim privrednim subjektom i to putem prava glasa u odlučivanju, u skladu sa članom 12. stav (1) pod b) Zakona.

#### 4. Obaveza prijave namjere koncentracije

Na osnovu ostvarenog godišnjeg prihoda učesnika koncentracije na dan 31.12.2007. godine proizašla je obaveza prijave namjere koncentracije, u smislu člana 14. stav (1) tačka a) Zakona.

Ukupni prihodi učesnika koncentracije na dan 31.12.2007. godine iznosili su:

Tabela 1.

<b>Ukupni prihod (KM)</b>	<b>UniCredit Group</b>	<b>HVB Capital Partners</b>	<b>Comtrade Group</b>
<b>Svijet</b>	(..)*	(..)*	(..)*
<b>BiH</b>	(..)*	(..)*	(..)*

\*Konsolidovani kvartalni izvještaj sa stanjem na dan 30.09.2007.

Ukupni prihodi učesnika koncentracije ostvareni prodajom roba na svjetskom tržištu iznose preko 100.000.000,00 KM po završnom računu u godini koja je prethodila koncentraciji i obzirom da su učesnici koncentracije registrovani na teritoriji Bosne i Hercegovine, u skladu sa članom 14. stav (1) Zakona, obavezni su podnijeti Prijavu.

#### 5. Relevantno tržište

Relevantno tržište, u smislu člana 3. Zakona, te čl. 4., 5. i 6. Odluke o utvrđivanju relevantnog tržišta, čini tržište određenih proizvoda/usluga koje su predmet obavljanja djelatnosti na određenom geografskom tržištu.

Prema odredbi člana 4. Odluke o utvrđivanju relevantnog tržišta relevantno tržište proizvoda obuhvaća sve proizvode i/ili usluge za koje potrošači smatraju da su međusobno zamjenjive s obzirom na njihove bitne karakteristike, kvalitet, namjenu, cijenu ili način upotrebe.

Nadalje, prema članu 5. Odluke o utvrđivanju relevantnog tržišta relevantno tržište u geografskom smislu obuhvaća cijelu ili dio teritorije Bosne i Hercegovine, na kojoj tržišni konkurenti djeluju u prodaji i/ili kupovini relevantnog proizvoda pod jednakim ili dovoljno ujednačenim uslovima koje to tržište bitno razlikuje od uslova tržišne konkurencije na susjednim geografskim tržištima.

Prilikom analize relevantnog tržišta učesnika predmetne koncentracije Konkurencijsko vijeće je utvrdilo da je relevantno tržište predmetne koncentracije tržište veloprodaje i maloprodaje računara i računarskih komponenti.

Relevantnim geografskim tržištem smatra se tržište Bosne i Hercegovine.

U tom smislu, relevantnim tržištem predmetne koncentracije smatra se tržište veloprodaje i maloprodaje računara i računarskih komponenti na cijeloj teritoriji Bosne i Hercegovine.

#### 6. Analiza relevantnog tržišta

Privredni subjekt NTCHS se bavi isključivo veleprodajom računara i računarskih komponenti i na taj način snabdijeva, između ostalih, i privredni subjekt CT Retail koji opet vrši dalju veleprodaju i maloprodaju istih. Privredni subjekt CT Retail posjeduje razvijenu mrežu maloprodajnih objekata, i to dva u Sarajevu i po jedan u Mostaru, Tuzli, Palama i Foči.

Prema podacima iz Prijave privredni subjekt NTCHS na tržištu veloprodaje računarskih komponenti u BiH zauzima oko 30% tržišnog učešća. Na tržištu maloprodaje računarskih komponenti privredni

subjekt CT Retail zauzima oko 5% tržišnog učešća. Glavni tržišni konkurent na polju veloprodaje računarskih komponenti u Bosni i Hercegovini učesnicima koncentracije je privredni subjekt KIM-TEC d.o.o. Vitez (članica M San Grupe d.o.o.) sa tržišnim udjelom od oko 30% dok maloprodaju računarskih komponenti čini veliki broj individualnih prodavaca sa malim pojedinačnim tržišnim udjelima.

#### **7. Ocjena predmetne koncentracije**

Konkurencijsko vijeće je, nakon procjene i analize podataka i utvrđenih činjenica u smislu člana 17. Zakona u postupku donošenja predmetnog Rješenja ocijenilo da provođenje predmetne koncentracije neće narušiti postojeću tržišnu konkurenciju, s obzirom da privredni subjekti učesnici koncentracije nisu registrovani za obavljanje istih ili sličnih djelatnosti, a iz toga proizilazi da navedena koncentracija neće proizvesti značajnu promjenu tržišnih pozicija na relevantnom tržištu.

Konkurencijsko vijeće je utvrdilo da se predmetnom koncentracijom privrednih subjekata ne stvara i ne jača dominantan položaj na relevantnom tržištu veloprodaje i maloprodaje računara i računarskih komponenti u Bosni i Hercegovini te je odlučilo kao u dispozitivu ovog Rješenja.

#### **8. Administrativna taksa**

Na ovo Rješenje podnosioc Prijave, u skladu s članom 2. tarifni broj 107. stav (1) tačka d) 1) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06), obavezan je platiti administrativnu taksu u iznosu od 2.500,00 KM u korist Budžeta institucija Bosne i Hercegovine.

#### **9. Pouka o pravnom lijeku**

Protiv ovog Rješenja nije dozvoljena žalba. Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema ovog Rješenja odnosno od dana njegovog objavljivanja.

**Predsjednik**

**Ibrica Lakišić**